



UNIVERSITÄTS-  
BIBLIOTHEK  
PADERBORN

**Candidatus Abbreviatus Jurisprudentiae Sacrae, Hoc Est,  
Juris Canonici, Secundum Gregorii Papae IX. Libros V.  
Decretalium Explanati Summa, Seu Compendium**

**Pichler, Vitus**

**Augustae Vindel., 1733**

Titulus XXII. De Fide Instrumentorum.

---

[urn:nbn:de:hbz:466:1-63440](https://nbn-resolving.de/urn:nbn:de:hbz:466:1-63440)

## TITULUS XXII.

### De Fide Instrumentorum.

#### SUMMARIUM.

1. Quid, & quotuplex sit Instrumentum, tam Publicum & Authenticum, quam Privatum.
2. Quid ex parte confidentis requiratur.
3. Et quid ex parte formæ ad confectionem Instrumenti Publici.
4. Instrumenta publica, & privata Authenticæ plenè probant: an & transumpta.
5. Instrumenta privata pro scribente nihil, contra eum probant plenè, regulariter.
6. Quid probent libri privati:
7. Et quid libri Mercatorum, & Sociorum.
8. Quomodo & quando producenda Instrumenta.
9. A quo sint edenda.
10. Quomodo impugnari possint:
11. Præsertim ratione falsitatis.

**P**er Instrumentum hic intelligitur scriptura, I  
ad faciendam fidem Judici, seu ad aliquid  
probandum in Judicio, confecta vel adhi-  
bita. Dicitur ab *instruendo*, utpote instruens  
Judicem circa causam. Est duplex, *Publicum*,  
quod à persona publica quâ tali, seu à Notario,  
qui etiam vocatur Tabellio, ad hoc specialiter  
ordinato, & simul cum certis solennitatibus  
confectum est. Et *Privatum*, quod à persona  
non publica ad id muneris destinata & sine  
solennitatibus confectionum est. Utrumque est vel

Ori-

*Originale, Haupt-Brief/ quo nomine venit prima & principalis illa scriptura, primitus confecta, & adhuc existens: vel Exemplum, seu Exemplar, Copia transumptum, Vidimus Copey/ Abschrift quo nomine venit scriptura secundum Originale transcripta: si id factum est manu vel auctoritate publica, dicitur exemplar authenticum, tunc beglaubte Abschrift. Ex Instrumentis privatis aliqua vocantur Authentica, & referuntur quoad effectum probandi ad Publica, ac eas nus Publica vocari merentur; quæ nimirum aliunde, quam à manu Notarii cum certis solemnitatibus ea erigentis, vim probandi Publicis param obtinent, uti sunt 1. Protocolla Judiciorum, seu Acta Judicialia, quæ continent gesta coram Judicè à Notario publico. vel duobus viris idoneis annotata. c. 11. de probat.. 2. Scripturæ publico & authentico munitæ sigillō, v.g. Episcopi aut Prælati Ecclesiastici, Principis, Civitatis, vel alterius Communitatis saltem accedente consuetudine, per c. 7. de probat. c. 9. h. t. c. 14. & ibi gl. de Excess. Prælat. quod extendunt etiam ad sigillum Officialis publici cujuscunque quoad ei, quæ facit vi officii. Speculat. de Probat. §. 3. videndum n. 15. sed sigillum debet esse illæsum, & satis cognitum, ac insuper accedere vel subscriptio ejus, cuius est sigillum, quod tamen probabilius negatur à Mascardo & aliis, vel fieri mentio in contextu, illud voluntate sigillantis esse appositum. 3. Scripturæ ex Archivo publico depromptæ, & ibi inter scripturas publicas assertæ. Auth. Ad hæc. C. h. t. Sed ut censeatur esse*

esse archivum publicum, debet esse ad servandas scripturas publicas & authenticas erectum auctoritate Principis vel Magistratus, potestatem ferendi leges habentis, nempe Episcopi aut superiorum Praetorium, Principis, vel alterius Status Imperii, qui in suo territorio jura Regalia exerceat: cuiusmodi Archivio praest Archivarius vel Cancellerius, *Commentariensis* olim dictus. Unde Archiva inferiorum, v. g. Monasteriorum, Ecclesiastarum, Civitatum Municipalium, ac Nobilium, qui non sunt Status Imperii, privata sunt; cum ius publici archivii non obtineant, nec ibi reponantur sola scripturaræ authenticæ, sed etiam registra, æstima, urbaria, *Grund-Bücher* &c. 4. Libri Officialium publicorum, Parochorum, die Tauff- Todten- und Hochzeit-Bücher / Collegiorum opificum, Zunfft-Bücher / libri Censuales Civitatum, Steuer- und Zahl-Bücher. 5. Scripturaræ privatorum, quibus praeter ipsos principales subscripterunt tres integri testes, qui tamen recognoscere debent manum suam. arg. l. 11. C. qui pot. in pign. demum 6. Litteræ contractuum, quibus utraque pars contrahens subscriptis.

His opponuntur Instrumenta Privata non-Authentica, qualia sunt. 1. Chirographum, *Schuld-Schein*/ quo aliquis fatetur se debere, v. g. 100. florenos ex mutuo. 2. Apocha, seu quietantia, Quittung/ quo creditor fatetur, solutionem sibi esse factam. 3. Antapocha (alio nomine litteræ reversales) qua vicissim debitor fatetur, se creditori solvisse censem, pensionem annuam &c. 4. Syngrapha, qua contrahentes testantur, se iniisse contractum, v. g. emptionis- venditionis,

Pars I.

G

cui-

conventionem &c. In praxi subinde confunduntur syrapha, chirographum, apocha. 5. Libri privati, v. g. censuales, Erb- oder Zins- Register/ libri rationum, seu dati & accepti, conventionum initiarum, inventaria seu registra privata, in quibus v. g. tutor descripsit res sui pupilli, posterfamilias accepta & expensa, socius merces nomine societatis emptas, litigans expensas in item factas &c. 6. Litteræ missivæ, seu epistolæ, litteræ cambii, dimissoriales &c.

2. Dico 1. Ut Instrumentum publicum ritè conficiatur, ex parte sufficientis requiritur 1. ut sit Notarius legitimus. 2. ut legitimè procedat. Sumit utrumque ex c. 2. h. t. Nov. 43. 44. 73. c. 5. & 7. Censetur autem esse Notarius legitimus, si est ex legitimo thoro natus, Juris peritus, aut eorum saltem, quæ munieris sui sunt propria, & legitimè creatus, scilicet ab eo, qui potestatem creandi habet, cujusmodi per se sunt soli Principes & Magistratus Superiorem non recognoscentes, uti est Pontifex in Ecclesiasticis, Imperator in Politicis per Imperii Romani limites: ex privilegio tamen competit Comitibus Palatinis, ex consuetudine vero Episcopis, & Principibus inferioribus, sed pro suis duntaxat territoriis. Si Notarius sit constitutus à Supremo Principe, vi consuetudinis valida erigit Instrumenta pro utroque foro, scilicet creatus à Papa etiam pro foro sæculari & in causis temporalibus, ac vicissim creatus à Caſare etiam pro foro Canonico & in causis spirituibus. Item valida conficit etiam pro extraneis, modò ipse sit intra territorium constituentis.

Abb.

Abb. inc. 15. b. t. n. 9. Hiltrop. de Process. Judic.  
p. 3. tit. 10. denique debet esse juratus.

Ut autem censeatur legitimè procedere, requiri-  
tur 1. ut rogatus sit ad faciendum Instrumentum  
à Parte, vel Partibus, à cujus vel quarum volun-  
tate dependet Instrumentum. Ut circa hoc nihil  
possit objici, consultum est, ut Notarius vel ini-  
cio vel in fine exprimat, se ad id rogatum esse.  
2. ut vel propria manu scribat ipse Instrumentum,  
vel saltem subscribat, nomen & cognomen suum,  
addendo etiam, qua auctoritate, an Cæsarea vel  
Pontifica, sit Notarius: item apponendo signum  
sui Notariatūs, quod est aliqua imago vel figura.  
An hujus signi, uti & Sigilli, appositiō sit de sub-  
stantia Instrumenti, lis est inter DD. quam opti-  
mè dirimit consuetudo loci. 3. ut non faciat In-  
strumentum pro non subditis illi, à quo constitu-  
tus est, licet à supremo Principe constitutus possit  
etiam pro extraneis, & peregrinis, ut jam annotavi-  
mus. 4. ut negotium sit honestum & licitum, atque  
non requirens cognitionem Judicis. 5. ut habeat  
negotii, super quo conficit Instrumentum, noti-  
tiam per se ipsum, illudque ipse viderit, vel audi-  
verit, ut adeò ipse debuerit interesse actui: nisi  
utraque Pars suum contractum, vel Testator suum  
testamentum, coram Notario quasi de novo repe-  
teret. 6. ut totum factum vel negotium cum de-  
bitis circumstantiis & clausulis fideliter, integrè,  
& in charta munda, vel potius membrana perga-  
mena describat, nempe quis, quid ex qua causa  
&c. debeat. 1. scripturas. 11. C. qui pot. in pign.  
sitamen nemo excipiat contra Instrumentum, in  
quo similia sunt omissa, illud subsistit. arg. l. 3. ff.

## 468 LIB. II. TITULUS XXII.

*de V.O. uti & instrumentum Antiquum, ante. 30  
nempe, vel juxta alios ante 60. vel 100. annos  
consecutum (quod tamen tempus melius relinqui-  
tur arbitrio Judicis) licet illa omnia non accurate  
exprimat.*

3 Dico 2. Ut Instrumentum publicum ritè con-  
ficiatur, *ex parte formæ* requiruntur sequentes so-  
lemnitates. 1. Debet præmitti invocatio Divini  
Nominis his, vel similibus verbis: *In Nominis  
Domini. Amen: vel: in nomine Sanctissimæ  
Individuæ Trinitatis. &c.* 2. debet exprimit tem-  
pus, nempe annus Christi, mensis, & dies, vel  
etiam hora. 3. Indictio, die Römer-Zins-  
Zahl/ quam reperire est in Calendariis. 4. No-  
men & annus Papæ, vel Imperatoris, vel utrius-  
que, aut Regis, in cuius territorio fit Instrumen-  
tum. Nomen Consulis hodie omittitur. 5. Lo-  
cus non tantum generalis, sed etiam specialis, si-  
licet non tantum territorium, sed oppidum, in  
de consuetudine etiam domus, & hypocaustum;  
6. Testium saltem duorum, in quorum præsen-  
tia actus est gestus, nomina, qui tamen non necessa-  
riò debent esse omni exceptione majores, cum ha-  
bilitentur per consensum Partium. An omnes,  
vel quænam ex his solemnitates necessariæ sint ad  
valorem Instrumenti, dependet ex consuetudine.  
Vid. Haunold. *de J. & f. to. 5. tr. 4. n. 369. &*  
*389.*

4 Dico 3. Instrumenta publica, & privata Au-  
thentica, nisi per exceptionem elidantur tanquam  
falsa, vel saltem ut suspecta, plenè probant quoad  
ea, quæ dispositivè in iis continentur, licet no-  
quoad ea, quæ solum enuntiativè seu narrativè

vel

vel incidenter dicuntur. c. 1. 2. & l. 15. C. h. t.  
 DD. passim. Extendit se assertio 1. ad trans-  
 sumpta, exemplaria authentica, & copias vidima-  
 tas, modò sint conformes Originali, factas ab eo-  
 dem Notario cum debitis solennitatibus, vel ab  
 alio quidem, sed cum authoritate Judicis, aut cum  
 expresso consensu Partium, talem copiam vel  
 transsumptum approbantium tanquam conforme  
 Originali. Sumitur ex l. 24. ff. qui testam. fac.  
 pos. c. 20, de convers. conjug. Everhard. Felin.  
 Abb. &c. cùm tale exemplum censeatur virtuali-  
 ter esse ipsum Originale. Consonat. c. fin. h. t. ibi:  
*Si instrumenta propter vetustatem, vel propter ali-*  
*am justam causam exemplari petantur, coram Or-*  
*dinario Judice, vel Delegato, ab eo specialiter præ-*  
*sententur: qui si ea diligenter inspecta in nulla sui*  
*parte vitiata repererit, per publicam personam illa-*  
*principiat exemplari, eandem authoritatem per hoc*  
*cum Originalibus habitura.* Hodie vi consuetu-  
 dimis teste P. Pirhing h. n. 22. non Judex, sed No-  
 tarius inspicit Originalia. Aliter si fiant trans-  
 sumpta, regulariter nihil probant. c. 1. h. t. ibi:  
*Si scripturam authenticam non videmus, ad exem-*  
*plaria nihil facere possumus.* Extendit se 2. ad apo-  
 fillas seu additiones, in margine, vel initio, vel in  
 fine, item ad interlineationes, cancellationes & ra-  
 suras, si factæ sint ab ipso Notario unà cum ipso In-  
 strumento; debet tamen Notarius subscribendo  
 attestari, eas à se esse factas, & quidem de singu-  
 lis, si plures fecit. Communis cum Mascardo.  
 Extendit se 3. ad libros Rationum, Censuales,  
 Fiscalium, Thesauriorum, & Parochorum, ut  
 pote conscriptos ab Officialibus publicis, nimì-

## 470 LIB. II. TITULUS XXII.

xum quoad ea, quæ pertinent ad eorum officium  
*l. 10. ff. de Probat.* Quia Officiales publici pu-  
 blica auctoritate sunt constituti ad talia confri-  
 benda non minus, quam Notarii publici ad instru-  
 menta publica confienda.

**S** Dico 4. Instrumenta privata non-authentica,  
 seu scripturæ privatæ, pro scribente regulariter  
 nihil. 2. Contra scribentem (idem est sub-  
 scribente, vel de sigillante) plenè probant, mo-  
 dò sint confessatæ, h. e. modò scribens recog-  
 noscat suam manum, vel sigillans suum sigillum,  
 & causa debendi sit expressa. Pars I. constat in  
 ex *l. 7. C. de probat.* tum ex ratione, quia nemo  
 est idoneus testis in causa propria, & in nullius  
 potestate esse debet alium sibi obligatum facere  
 per suam scripturam: quamvis autem pro scriben-  
 te nec plenè nec semiplenè probet, aliquam tu-  
 men facere potest præsumptionem. Dixi, n-  
 gulariter; nam fallit I. si est summa modica, &  
 scribens aliàs valde bonæ famæ; tunc enim scri-  
 ptura privata probat plenè juxta aliquos. 2. Si  
 Adversarius eam producat pro se. *l. 26. f. fin. f.*  
*depositi. & Auth. Ad hæc. C. h. t.* Item si inter  
 Partes approbata (vel in Judicio recepta & agnita  
 fuit) seu si Pars adversa nihil opposuit. Reissen-  
 stuel hic *n. 191. seqq.* & in his casibus iterum plenè  
 probat, uti & 3. Si epistola ab eo, ad quem  
 missa est, fuit acceptata & retenta sine contra-  
 dictione. per *Clem. 1. de procurat.* & *l. 16. f. de*  
*S. C. Maced.* 4. Si à scribente fuit adjectum ju-  
 ramentum; tunc enim tribuitur ipsi semiplena  
 probatio, quia æquivalet uni testi jurato. 5. Si  
 quis alteri dedit chartam biancam, ut vocant, seu

va-

vacuam, nomine tamen & sigillō suō signatam, ut  
is scribat, quod petit, pro libitu; hæc enim pro-  
bat tunc, quando, qui dedit, postea legit ratum-  
que habuit, quod alter scripsit: non vero, si ex-  
cipiat, qui dedit, dicendo, se non legisse, quod  
scriptum est, vel se non dedisse talem chartam in  
hunc finem, vel quædam præter intentionem suam  
suisse adscripta. Sutting. *obser. 72. n. 5. 6.* En-  
gel. *n. 29.* cum Panorm.

Pars 2. probatur tum ex *l. 26. cit. §. 1. & l. 13.*  
*C. de non num. pecun.* tum ex ratione; quia talis  
scriptura privata, qua quis aliquid scribit contra  
se, censetur esse confessio, & agnoscens suam ma-  
num confiteri reputatur, vera esse, quæ scripsit:  
propria autem confessio est optima probatio. Nec  
obstat, quod confessio extrajudicialis non probet,  
someter plenè, quæ facta est absente Parte adversa:  
hoc enim solum procedit de confessione verbali,  
non de scripta; scriptura enim semper loquitur,  
etiam coram Adversario & Judice, si exhibeat. Deinde majori deliberatione solemus scribere,  
quam loqui. *arg. l. 1. C. de Usuris:* unde confes-  
sio extrajudicalis scripta æquivalet confessioni ex-  
trajudicali vocali geminatae, seu ex intervallo re-  
petitæ, & factæ coram Adversario; cujusmodi,  
si simul expressa sit causa, plenè probant, uti di-  
ctum *ad Tit. de Confessis.* Addidi tamen, *modo*  
*causa debendi sit expressa,* nimirum specifica, an-  
scribens beat ex mutuo, emptione, vel quo alio  
titulo: nisi fateatur se debitorem causæ piæ. *arg. c.*  
*fin. de success.* vel nisi aliunde causa facile præsumi  
possit, ut si scripto promittas bene merito de te,  
vel pauperi, te illi donaturum ædes, vel certam

eleemosynam, vel scribas alterum tibi non obligari; quia in his casibus præsumitur causa gratitudinis, misericordiæ, liberationis vel gratuitæ, vel solutionis factæ. *Objic.* Qui scribit, se debere alteri, licet non exprimat causam, an ex mutuo, empto &c. debeat, non minus fatetur debitum, quam qui exprimit causam: sed propria confessio est optima probatio: ergo. *R.* Fatetur quidem sed non confessione, ex qua secundum Jura oritur actio, vel ex qua efficaciter obligetur.

**6** Quæres, an etiam libri privati, in quibus describuntur rationes, acceptum & expensum, jura, census, debita activa, & passiva, prædia, sylva, res alienæ, quæ administrantur, ut sunt Registra, Umbaria, Inventaria sine auctoritate Judicis conscripta &c. nihil probent, sicut scripturæ privatæ, seu chartæ separatae, & non consultæ in libros? *R.* quamvis regulariter pro scribente non strictè probent, utpote scripturæ privatæ, faciunt tamen magnam præsumptionem; cum tales homines, talia referentes in libros, non soleant fraudulerter procedere; imò efficiunt semiplenam probationem, si scribeas alias sicut bonæ famæ. *R.* jam mortuus, contineantque data & accepta. Nicol. de Passerib. *descriptura privata l. 4. de libris rationum n. 24.* Imò pro eodem plene probrent, si scribens, homo alias bonæ famæ, juramento confirmavit, verum esse, quod scripsit, & summa sit parva. *Masc. concl. 973. m. n. 13. 58.* item si plura alia adminicula concurrant, ut si continent data & accepta, atque sic etiam aliquid contra scribentem: si exprimant causam: si apponant annum, mensem, & diem: si scribens alias sit fide dignus,

dignus, & adjiciat juramentum: si libri contineant solum res ad officium illud pertinentes, & careant cancellationibus &c. Nicol. de Passer. l. 4. cit. de libr. Mercat. à n. 48. præsertim si scribens jam sit mortuus. Denique in factis antiquis, memoriam hominum excedentibus, & ubi aliæ probationes moraliter haberi nequeunt, ejusmodi libri semiplenam, & juxta aliquos etiam plenam fidem inerentur.

Potes, quid sentiendum de libris Mercatorum, Camporum, & Sociorum? R. si ritè sint instructi secundùm statuta & consuetudines locorum, plenè vel semiplenè etiam pro scribente probant. Sic juxta Statutum Norimbergense libri Mercatorum plenè probant, si sint regulati juxta arbitrium peritorum Mercatorum, scripti à viro famæ bonæ, & scripturam confirmante cum juramento, & Adversarius nihil probet contra. Item iidem libri etiam secluso hoc statuto probant semiplenè. Gail. l. 2. observ. 20. n. 2. Carpzov. apud Haun. to. 5. tr. 4. de J. & J. n. 509. Lauterbach ad ff. b.t. §. 50. Idem de libris Camporum cum proportione dicendum quoad ea, quæ ad cambia & suam negotiationem pertinent. Si vero hi mercatores, & campores, non teneant suos libros legaliter, sed in iis alterationes, superadditiones, interlineationes, apostillæ, abrasiones, vel cancellationes reperiantur, non adhibetur eis fides. Citatur Rotap. 19. decis. 405. n. 19. in recent. De libris rationum inter Socios docet Menoch. de arbitr. Jud. casū 92. quando plenè probent quoad negotia communia.

Dico 5. Instrumenta in Judicio producenda 8

Gg 5                  sunt

sunt Parte citata, & quidem in termino probatorio, nempe post litis contestationem (vel etiam post publicationem attestationum; quia hic nullum est periculum subornationis) regulariter tamen ante conclusionem in causa. 2. Edenda quoque seu exhibenda sunt Judici integra, Parti vero solum illud capitulo (si plura contineat Instrumentum) circa quod lis est, inspiciendum vel prælegendum, datâ etiam ipsi copiâ vel extractu illius in scripto. Pars 1. constat ex c. 9. h. t. item ex praxi & Ordine Judiciario. Poterunt tamen produci etiam post conclusionem in causa, si Judex censeat esse necessarium vel utile; si Pars adversa non contradicat; si id serviat ad defensionem Rei in causa Criminali, vel ad vitandum peccatum in Matrimoniali; & si primùm postea sint reperta, ac producens juret, se priùs eorum notitiam non habuisse. Pars 2. sumitur ex c. 5. h. t. l. 10. §. 2. ff. de Edendo. & hac ratione, quia Judicis est examinare, an Instrumentum sit legitimum, igitur totum videre debet: Pars vero necesse non habet aliud inde sare, quam capitulo vel puncta litem concorrentia.

9 Dico 6. Edere seu exhibere instrumenta illa tenetur & Actor & Reus, quæ allégat, seu ipse in Judicio usurpus est. 2. Item illud, ad quod se referunt Instrumentum productum. 3. Actor quoque tenetur edere Reo, id petenti, Instrumenta, quibus ipse alias usurpus non est. 4. Non tamen vicissim Reus Actori, etiam petenti, saltem regulariter. Pars 1. habetur l. 1. §. 3. ff. de edendo. ubi DD. Pars 2. in Auth. *Siquis in aliquo C. eod.* qui referenti sine relato non creditur. Pars 3. in l. 5. §.

fin.

fn. C. eod. Pars 4. l. 1. & fin. C. eod. l. 7. C. de te-  
 fib. & c. 1. de probat. Ratio disparitatis est, quod  
 Actor voluntariè ac sponte compareat in Judicio,  
 adeoque conveniens sit, ut veniat aliunde instru-  
 tus ad probandam intentionem suam, & proba-  
 tiones non petat è domo Rei vel Adversarii sui:  
 econtra Reus veniat ad Judicium invitus & tra-  
 tus; proinde favorabiliores debent esse ejus par-  
 tes, ita ut favore defensionis etiam ex domo Acto-  
 ris medium se defendendi petere possit, ac vicissim  
 ne cogatur arma ad se impugnandum adversario  
 porrigerere, quod nimis inhumanum foret. L. 4. &  
 fin. C. de edendo. Interim tamen in quibusdam  
 casibus etiam Reus tenetur Instrumenta edere  
 Actori pétenti, nempe 1. ea, quibus ipse usurpus  
 est, ut dictum. 2. Quæ sunt utrique litiganti com-  
 munia, vel communibus expensis facta. c. 12. h. t.  
 qualia sunt testamenta, utpote communia hæredi-  
 bus & legatariis, acta Judicialia, super contracti-  
 bus v. g. emptionis-venditionis erecta. 3. Si A-  
 ctor est fiscus. l. 2. §. 2. ff. de J. F. quod privilegi-  
 um extendit communia etiam ad Ecclesiás, caufas  
 Pias, & Matrimoniales. 4. Si Reus est usurarius, vel  
 alias fraudibus assuetus. Clem. un. de Usuris. 5. Si  
 Actor intentionem suam jam habet fundatam, v. g.  
 jam plenè probavit, se fundum vendidisse Reo,  
 nescit tamen, sub quibus conditionibus. l. 52. ff.  
 de act. empt. 6. Si æquum videatur Judici, ut Re-  
 us Actori exhibeat Instrumenta, ut si Actor probet  
 sufficienter, se citra culpam suam amisisse, v. g. in-  
 tendiō, instrumenta propria. Atque ita fentien-  
 dum de Actore & Reo, in lite constitutis. Tertius  
 verò regulariter non tenetur edere Instrumenta.

l. 2.

I. 2. C. quando & quib. nisi instrumentum sit proprium potentis editionem, vel commune. per c. 12. cit.

IO Dico 7. Impugnari Instrumenta possunt varii ex capitibus. 1. Ratione causæ efficientis, quia v.g. Notarius, qui fecit, non fuit legitimus, vel ut falsarius jam semel condemnatus. 2. Ratione causæ formalis, quia Instrumentum non habet solennitates requisitas, caret debita subscriptione vel sigillō legitimō, invocatione Divina, anno, die, Indictione, loco adscripto &c. 3. Ratione causæ materialis, quia erectum est super re illicita & prohibita. 4. Ratione causæ finalis, quia non probat intentum, ad quod probandum producitur, vel sub-aut ope reptitiæ obtentum est. 5. Ratione falsitatis, quam continet in puncto substantiali, v.g. circa negotium gestum, ejusque conditiones, circa locum aut tempus, quo dicitur confectum, circa testes, qui sunt Instrumento inscripti, cuiusmodi falsitas probari potest vel per Instrumentum contrarium, vel per testes sive Instrumentarios, h. e. Instrumento inscriptos, sive per extraneos. 6. Ratione lituræ, rasuræ, cancellationis in loco substantiali & suspecto, si aliquid reperiatur additum alienâ manu, charæctere diverso &c. Dixi, *impugnari*, Judicis autem dein erit, an objecta sunt talia, ut expugnari & reprobari debeant Instrumenta. De falsitate

II Dico 8. Si falsitas circa aliquid substantiali instrumenti appareat, vel per Instrumentum aut testes Instrumento adversantes sufficienter probetur, expugnatur & reprobarur Instrumentum, per c. 6. 10. 13. b. t. l. 14. C. eod. & quidem probabilius in totum, ita ut in nulla sui parte fidem mere-

mereatur; quia testis, qui suo dicto adjicit falsitatem circa punctum substantiale, reprobatur in totum. *can. 17. caus. 3. q. 9.* Et Rescriptum per falsitatem dolosè expressam obtentum amittit suam vim quoad omnes partes. *c. 15. & 20. de descr.* sed in ordine ad probandum æquiparantur Instrumenta & testes, ac eadem in Instrumentis pugnat ratio, quæ in Rescriptis. Addidi 1. *vel probetur per Instrumentum adversans:* si enim producatur aliud Instrumentum exhibito contrarium vel contradictorium, quod conciliari cum altero nequit (si enim conciliari, & evitari possit per interpretationem, contrarietas vel contradicatio, evitari debet) tunc vel est productum utrumque ab eadem Parte? & fides Instrumenti omnino corruat. *c. 13. & l. 14. citt.* si unum ab Actore, alterum à Reo, ulterius refert, an unum sit dignius altero, v. g. unum publicum, alterum privatum, & tunc credendum est digniori. per *l. 14. C. de contrah. & comitt. stipul.* & *c. 32. de testib.* si utrumque est æquè dignum, & paris auctoritatis, utrumque enervatur, &, si per Instrumentum probare suam intentionem voluit, aut debuit Actor, succumbit, Reusque est absolvendus, nisi Actor habeat causam in Jure favorablem. Addidi 2. *aut per testes adversantes*, ut si testes instrumentarii omnes, vel potiores, negent se actui interfuisse, vel dicant, aliter gestum esse, quam in Instrumento sit scriptum, & tum rueret Instrumentum. *c. 5. de probat. Nov. 73. c. 3.* non verò si solùm dicerent, se quidem fuisse præsentes, at non amplius recordari, quid sit actum inter Par-tes, vel quo anno & die; quia testes dubitantes nihil

nihil probant in contrarium. Si verò testes extranei deponerent contra Instrumentum, saltem duo, ac omni exceptione maiores, afferendo, vel negotium non ita esse gestum, vel personas principales, aut testes Instrumento inscriptos, tempore confecti testamenti fuisse in alio loco, quām quo factum esse Instrumentum loquitur tunc ei faciendum discriben, an testes inscripti adhuc vivant, & pro Instrumento deponant, vel jam sint mortui: in priori casu non sufficiunt duo testes reprobatorii; quia testimonium Notarii, quod habet magnam præsumptionem & assistentiam Jure, adjutum per testes inscriptos prævaleret: in posteriori expugnatur Instrumentum. per l. 14. cit. & c. 10. h. r. quia testes duo de Jure plenè probant, Instrumentum verò, testibus inscriptis, auctoritate jani mortuis, non adjutum, est solum testimonium unius Notarii, quod solum ex indulgentia & assistentia Juris acceptatur pro plena probatione, solaque Juris præsumptione nititur: aequi præsumptio debet cedere veritati, quæ de Jure tam Divino quam Humano habetur per duos testes omni exceptione maiores.

*Objic.* 1. Probatio per Instrumentum certior est, quām quæ fit per Testes; quia, quæ scribuntur præmeditatè fiunt, & fideliùs retinentur memorie: ergo Instrumentum non reprobatur per Testes. 2. Instrumentum inducit notorium, & ab Authoribus vocatur probatio probata. 3. Instrumento solent inscribi saltem duo testes: ergo una cum Notario publico enervari nequeunt per duos testes extraneos. *R. ad 1.* Id fortè verum est, quando nihil opponitur Instrumento, & ejus factas,

testes, vel alias defectus non probatur per testes.  
Ad 2. Instrumentum confessatum, contra quod nihil opponitur, facit notorium, transeat. quod vocatur in controversiam, vel omnino eliditur, negatur. Ad 3. Si testes non subscriperunt Instrumento propria manu, vel adhuc vivi non stant pro Instrumento, fides Instrumenti demum fundatur in Notario, cui facile est testes falso inscribere; cui proin merito præalent duo testes extranei.

## TITULUS XXIII.

### *De Præsumptionibus.*

#### SUMMARIUM.

1. Quid, & quotuplex sit *Præsumptio*, & quomo<sup>d</sup>do differat à *Fictione Juris*.
2. Quantum probet *Præsumptio Hominis*:
3. Et *Præsumptio Juris, vel Juris & de Jure*.
4. *Præsumptio violenta, etiam in Criminalibus,* sufficit ad ferendam sententiam.
5. Quæ sint axiomata de *Præsumptionibus*.

**P**raesumptio, quasi *ante-sumptio*, quando I  
nempe ante legitimas probationes aliquid  
pro vero sumitur, saepius accipitur pro  
conjectura, non faciente probationem plenam vel  
semiplenam, & sic opponitur probationi tanquam  
aliquid minus; saepem tamen ipsa sola plenè vel se-  
miplenè probat, ut videbimus. Definiri potest,  
quod sit *anticibata de re dubia opinio ex indiciis*  
*per*